



Broj: 05-25-12779-10/18
Datum: 11.09.2018.godine,

Na osnovu člana 60. Zakona o organizaciji organa uprave u Federaciji BiH ("Službene novine Federacije BiH", broj: 35/05), člana 70. i 89. Zakona o javnim nabavkama BiH ("Službeni glasnik BiH", broj: 39/14) i prijedloga Komisije za javnu nabavku radova broj: 05-25-12779-6/18 od 07.09.2018.godine, ministar Ministarstva za poljoprivredu, šumarstvo i vodoprivredu Zeničko-dobojskog kantona, donosi

ODLUKU

o izboru najpovoljnijeg ponuđača za nabavku radova na izgradnji vodnih objekata na području općine Kakanj: LOT 3 - „Nastavak izgradnje vodovoda „Varalići“, MZ Krševac“, općina Kakanj

I

Prihvata se Prijedlog Komisije za javnu nabavku radova iz Zapisnika o ocjeni ponuda broj: 05-25-12779-6/18 od 07.09.2018.godine i ugovor za nabavku radova na izgradnji vodnih objekata na području općine Kakanj, za LOT 3 - „Nastavak izgradnje vodovoda „Varalići“, MZ Krševac“, općina Kakanj, dodjeljuje se ponuđaču JP „VODOKOM“ d.o.o. Kakanj, A.Izetbegovića 51, sa ponudenom cijenom od **42.736,04 KM** bez uračunatog PDV-a, kao najbolje ocijenjenom ponuđaču.

II

Ponuđač iz tačke I. ove Odluke, dužan je u roku od 5 dana od dana prijema Odluke dostaviti originale ili ovjerene kopije dokumentacije (ne može biti starija od 3 mjeseca računajući od momenta predaje ponude) navedene u tački 2.3.1. tenderske dokumentacije i to:

- a) uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, osim u slučaju postojanja važeće odluke o potvrdi stečajnog plana, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenje nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenje nadležnih institucija da je ponuđač izmirio dospjele obaveze u vezi s plaćanjem direktnih i indirektnih poreza, i tačke 2.5.2., podtačke b) i c) tenderske dokumentacije i to:
 - a) Odgovarajući dokument/dokaz koji izdaje banka ponuđača ili druga finansijska institucija u skladu sa pozitivnim propisima, a kojim se dokazuje ispunjenje uslova da je transakcijski račun ponuđača aktivan, isti ne može biti stariji od 3 mjeseca računajući od dana dostavljanja ponude;
 - b) Bilans stanja i bilans uspjeha za period posljednje 2 finansijske godine (2016. i 2017.) ili od datuma registracije odnosno od početka poslovanja u predmetnom segmentu, ako je ponuđač registrovan odnosno počeo sa radom prije manje od dvije godine.

III

Po okončanju roka za žalbu, Ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku.

IV

Ova odluka objavit će se na web-stranici Zeničko-dobojskog kantona – www.zdk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. i članom 71. stav 2. Zakona o javnim nabavkama.

V

Odluka stupa na snagu danom donošenja.

Obrazloženje:

Ugovorni organ-Ministarstvo za poljoprivredu, šumarstvo i vodoprivredu Zeničko-dobojskog kantona je Odlukom broj: 05-25-12779/18 od 14.08.2018.godine pokrenulo otvoreni postupak za javnu nabavku radova na izgradnji vodnih objekata na području općine Kakanj i to: LOT 1 - „Izgradnja vodovoda Zagrađe, MZ Zagrađe“, LOT 2 - „Dovršenje vodovoda Brus, MZ Bukovlje“ i LOT 3 - „Nastavak izgradnje vodovoda „Varalići“, MZ Krševac“, kao predviđeni projekti iz Programa vodnih naknada za 2018.godinu, te je i obavještenje o nabavci objavljeno na Portalu javnih nabavki pod brojem: 455-1-3-22-3-30/18 od 08.08.2018.godine I u Službenom glasniku BiH, broj: 58/18 od 24.08.2018.godine.

Ukupno procijenjena vrijednost javne nabavke za sva 3 LOT-a je 162.385,00 KM bez PDV-a, dok je za LOT 3 - „Nastavak izgradnje vodovoda „Varalići“, MZ Krševac“, općina Kakanj procijenjena vrijednost javne nabavke 42.735,00 KM bez uključenog PDV-a.

U ostavljenom roku, na adresu Ugovornog organa za predmetnu nabavku radova za LOT 3 - „Nastavak izgradnje vodovoda „Varalići“, MZ Krševac“, općina Kakanj blagovremeno je pristigla jedna ponuda i to ponuda ponuđača: JP „VODOKOM“ d.o.o. Kakanj, Ul. Alije Izetbegovića 51 dok drugih ponuda nije bilo.

Komisija za javnu nabavku je sačinila Zapisnik sa otvaranja ponuda i Zapisnik o ocjeni ponuda na osnovu kojih je ugovorni organ konstatovao da je Komisija pravilno izvršila otvaranje ponuda i ocjenu iste, te je iz dostavljenog Zapisnika o ocjeni ponuda utvrđeno da ponuda ponuđača JP „VODOKOM“ d.o.o. Kakanj za LOT 3 - „Nastavak izgradnje vodovoda „Varalići“, MZ Krševac“, općina Kakanj, ispunjava sve uslove postavljene tenderskom dokumentacijom i da je prihvatljiva za ugovorni organ, te da je primjenom utvrđenog kriterija „najniža cijena“ i najpovoljnija.

U postupku donošenja ove Odluke, posebno su cijenjene činjenice da je Komisija za javnu nabavku pravilno i potpuno izvršila ocjenu kvalifikovanosti ponuđača, te ocjenu pristigle ponude u skladu sa kriterijem: „najniža cijena“.

Kako je jedini kriterij za odabir najpovoljnije ponude u predmetnom postupku javne nabavke „najniža cijena“, po kojem kriteriju je ponuda ponuđača: JP „VODOKOM“ d.o.o. Kakanj, Ul. Alije Izetbegovića br. 51, za izvođenje radova za LOT 3 - „Nastavak izgradnje vodovoda „Varalići“, MZ Krševac“, općina Kakanj, sa ponudnom ukupnom cijenom od 42.736,04 KM bez uključenog PDV-a kvalifikovana i najbolje ocijenjena, a u skladu sa odredbama člana 70. i 89. Zakona o javnim nabavkama BiH, odlučeno je kao u tački 1. ove odluke.

Pouka o pravnom lijeku:

Svaki privredni subjekat koji ima ili je imao **interes** za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koja se u žalbi **navodi** kao povreda ovog zakona i podzakonskih akata od strane ugovornog organa, ima pravo uložiti žalbu na postupak u pisanoj formi u roku od 5 (pet) dana po prijemu odluke o izboru najpovoljnijeg ponuđača. Žalba se izjavljuje Uredu za razmatranje žalbi BiH, a putem ugovornog organa u pisanoj formi direktno, u elektronskoj formi ili preporučenom pošiljkom. Žalba se podnosi u najmanje 3 (tri) primjerka.

Dostavljeno:

1 x Ponuđač;

1 x Tenderska dokumentacija.



BOSNA I HERCEGOVINA, Zenica, Kučukovići br. 2

Telefon/Fax: 032/460 750, 460 751, fax: 032 460 753 e-mail: min.poljoprivreda@zdk.ba